

COMUNICÂT STAMPE

SÎT ARLEF IN FINÂL PAL PREMI "COPY WRITING AWARD"

La muse virtuâl de Agenzie pe Lenghe Furlane e à sfidât colòs tant che Illy e Kinder

Udin, ai 5 di Dicembar 2012 - Il sît de ARLeF - Agenzie regionâl pe lenghe furlane al è stât selezionât tant che finalist te categorie "Copy writing Award", in ocasion de decime prime edizion dal Premi Web Italie, apontament tra i plui innomenâts dal setôr, che si è tignût cualchi dì za fa a Riva del Garda.

Realizât di "direWeb", storiche agenzie web e grafiche di Udin che chest an e à cjàpât il prin premi de categorie "App Mobile Award" e e à partecipât a chel par lis "Top10 Web Agency 2012", il sît bilengâl de Agenzie www.arlef.it al jere stât candidât te categorie "Pubbliche amministrazion" che però e je stade scancelade parcè che a mancjavin altris candidaturis, fasint slontanâ la possibilitât di un cjàpâ une medaie pe Arlef.

Lis carateristichis di facilitât e cualitât dai contignûts dai tescj dal sît ARLeF a son stâts cussì preseadis de jurie tant di fâlu inserî intune altre categorie, dongje grandis aziendis tant che Illy e Kinder.

Elisabetta Pozzetto

Region Autonome Friûl Vignesie Julie
[ARLeF - Agenzie Regionâl pe Lenghe Furlane](http://www.arlef.it)
Place XX Setembar 23
33100 Udin

0039 0432 555724 fax 0432 204158
mob 0039 335 8002058